

廣記介象字元則與吳王論贈何者最美象曰海中鱷魚爲上請於殿前作方坎汲水滴之象垂綸於坎中食頃得鱷魚作贈

章后折爪守一破塊

感應錄陳武帝章皇后母蘇氏嘗遇一道士以一小龜遺之光彩五色曰三年有應及期后生紫光照室因失龜所在后少美容儀手爪長五寸色并紅白每有期功之服則一爪先折

王氏神仙傳王守一貞觀初自號終南山人王布衣賣藥於洛陽富人柳信生一子眉上一肉塊布衣壺中抔藥一粒傳

道藏輯要

三洞群仙錄

三

翼集五  
川上六

之須臾肉破有小蛇突出五色爛然漸及一丈許布衣叱之蛇躍起雲霧昏暗布衣乘蛇而去

王倪飛步許鵲上昇

王氏神仙傳王倪卽齋缺師也得道於義農之間黃帝遇之以傳道要歷少昊顓帝世常遊人間行飛步之道堯舜之時猶見者後一日昇天

郡閣雅談許鵲真人唐末遊南嶽招仙觀壁上題歌一首云洪鑪烹鍊人性命器用不同分皆定妖精鬼魅鬪神通只自干邪不干正黃口小兒初學行唯知日月東西生還爲萬靈威聖力移月在南日在北玉是玉兮石是石蘊棄深泥終不